

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“ broj 7/10), a u skladu sa Programom utroška sredstava u Ministarstvu za rad, socijalnu politiku i izbjeglice, za 2015. godinu, broj: 02-14-11048/15 od 13.05.2015. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 38. sjednici održanoj dana 30.12.2015. godine, d o n o s i

ODLUKU

o odobravanju sredstava za sufinansiranje realizacije projekta asfaltiranja puta u MZ Kamenica, općina Teslić

Član 1. (Predmet)

Odobravaju se Općini Teslić, kao Nosiocu projekta, sredstva u iznosu od 25.000,00 KM (slovima: dvadesetpet hiljada konvertibilnih maraka) kao učešće Zeničko-dobojskog kantona u sufinansiranju realizacije projekta asfaltiranja puta u MZ Kamenica, općina Teslić, a s ciljem potpore održivog povratka na područje Republike Srpske.

Član 2. (Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2015. godinu („Službene novine Zeničko-dobojskog kantona”, broj: 2/15), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica”.

Član 3. (Uplata sredstava)

Odobrena sredstva će se uplatiti na transakcijski račun posebnih namjena Općine Teslić broj: 5517902220123849 otvoren kod UniCreditBanka, a.d. Banja Luka; JIB:4401285900009, sa naznakom Svrha uplate: „Učešće Zeničko-dobojskog kantona u sufinansiranju realizacije projekta asfaltiranja puta u MZ Kamenica, općina Teslić, s ciljem potpore održivog povratka”.

Član 4. (Provođenje Odluke)

- (1) Ovlašćuje se Ministar Ministarstva za rad, socijalnu politiku i izbjeglice da u ime Vlade Zeničko-dobojskog kantona potpiše Ugovor o sufinansiranju projekta održivosti povratka asfaltiranja puta u MZ Kamenica, općina Teslić.
- (2) Zadužuju se Ministarstvo za rad, socijalnu politiku i izbjeglice i Ministarstvo finansija da realizuju ovu odluku, svako u okviru svojih nadležnosti.

Član 5.
(Izvještavanje)

Obavezuje se Općina Teslić da po utrošku sredstava za realizaciju projekta asfaltiranja puta u MZ Kamenica, općina Teslić, Ministarstvu za rad, socijalnu politiku i izbjeglice Zeničko-dobojskog kantona dostavi narativni i finansijski izvještaj o namjenskom utrošku doznačenih sredstava iz člana 1. ove odluke.

Član 6.
(Stupanje na snagu)

Odluka stupa na snagu danom donošenja i biti će objavljena u „Službenim novinama Zeničko-dobojskog kantona”.

Broj: 02-14-22934/15.

Datum, 30.12.2015. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Općina Teslić (putem ministarstva),

1x “Službene novine Zeničko-dobojskog kantona”,

1x a/a.